

DANKIE VIR U ONDERSTEUNING!

Baie geluk met die aankoop van die RTS DV-4476 PADVARK handradio. Nie net is die radio maklik om te gebruik nie, dit is ook koste effektief, uitstekende kwaliteit en 'n handradio waarop u kan staatmaak vir ure se praatgenot!

Die nuutste tegnologie is in hierdie radio geinkorporeer en sal u verseker tevrede wees met die kwaliteit en funksies wat die RTS PADVARK u bied.

Voor u die radio gebruik lees asseblief eers die handleiding deur en vergewis uself van die radio se werking.

VEILIGHEIDSMATREELS

Die RTS DV-4476 PADVARK handradio is 'n uitstekende ontwerp met gevorderde tegnologie wat u tevrede sal laat. Dit is belangrik dat die gebruiker van enige elektroniese toerusting verstaan wat die gevare verbonde aan die gebruik daarvan is en om beserings en beskadiging van u RTS DV-4476 PADVARK radio te voorkom, let asseblief na die volgende:


1. Hou die handradio en toebehore weg van kinders af.
2. Sou daar vir die een of ander rede fout gaan met hierdie radio, moet u sorg dat die radio slegs deur 'n professionele tegnikus herstel word. Moenie toestemming verleen dat 'n leek aan u radio karring en peuter nie.
3. Gebruik slegs die voorgeskrewe battery laaier en battery om skade aan die radio te voorkom.
4. Gebruik slegs voorgeskrewe antenna om voldoende reikafstand te behaal.
5. Radio moet nie te lank blootgestel word aan direkte sonlig nie, hou die radio ook weg van warm voorwerpe.
6. Radios moet ook nie aan buitengewoon stowwerige of vogtige areas blootgestel word nie.
7. Moenie radios met skadelike chemikalieë of bytmiddels skoonmaak nie.
8. Moet **NOOIT** hierdie radio gebruik sonder dat die antenna stewig opgeskroef is nie.
9. Wanneer u hierdie handstel gebruik, is dit wenslik dat u heelwat minder sal praat (uitset) as ontvang. Wanneer die handstel vir te lank uitsaai sal die handstel warm word aan die agterkant waar die battery geleë is. Moet dan ook nie hierdie warm deel van die radio op enige plastiese voorwerp neerlê nie.
10. Sou daar enige onaangename reuk of rook ontstaan uit hierdie handstel, skakel die radio dadelik af, verwyder die battery en kontak u naaste RTS handelaar.
11. Skakel die radio af wanneer u brandstof inneem of by petrolstasies staan, by enige plek waar plofstowwe gebruik word, in vliegtuie of mediese institusies.

UITPAK VAN RADIO


Wanneer u die RTS DV-4476 PADVARK radio uit sy verpakking haal, maak seker dat die volgende items in die pakkie is voor u van die verpakkingsmateriaal ontslae raak:

STANDAARD BYBEHORE VOORSIEN:


Item	Hoeveelhede
Antenna	1
Handband	1
Tafel Model Laaier	1
230 V Transformator	1
12 V Voertuig laaier	1
Li-On batterypak	2
Mikrofoon/Luidspreker	1
Beltknip	1
Gebruikershandleiding	1




Mikrofoon/Luidspreker




Antenna




Handband




Li-On Batterypak




BeltKnip



Tafelmodel laaier



240V laaier



12V laaier

Indien enige van die genoemde bybehore nie daar is nie, of selfs beskadig is, skakel asseblief u RTS handelaar onverwyld.

HERLAAI VAN BATTERYPAK:

Die batterypak word nie by die fabriek gelaai nie, dus moet u die battery laai voor dit gebruik word. As die battery vir 'n lang tyd gebêre word (vir meer as 2 maande) en dan eers herlaai word, sal die battery nie sy volle kapasiteit kan bereik nie. Nadat die battery 'n volle herlaai en afloop siklus deurgaan het, sal die radio op sy beste werk. Let ook daarop dat die battery se uitset vermoë sal afneem na 'n tyd, al word die battery vol en reg herlaai. Die battery moet dan vervang word.

VOORGESKREWE BATTERYLAAIER

Wees asseblief seker dat u slegs die batterylaaier gebruik wat aan u RTS DV-4476 PADVARK handradio voorgeskryf is. Ander modelle se herlaaiers kan skade aan u radio en selfs beserings aan u persoon veroorsaak. As u die batterypak op u radio sit en 'n rooi liggie flikker op u radio, herlaai die battery.


NEEM KENNIS:

- Moet nooit probeer om die omhulsel van die batterypak te verwyder nie.
- Wanneer die battery vervang word, moet nie die ou battery probeer verbrand of in die vuur gooi nie.
- RTS sal nie verantwoordelik gehou word vir enige skade wat opgedoen word as gevolg van ongemagtigde veranderinge aan die battery nie.
- Die temperature moet tussen 5° C en 40°C wees terwyl die battery herlaai word. As die temperature te veel verskil kan die battery moontlik nie ten volle herlaai word nie.
- Skakel die radio af voor die battery herlaai. Moet ook nie die battery uit die laaier verwyder voor die battery vol gelaai is nie.

INSTRUKSIES:

Die radio en battery kan apart van mekaar gelaai word.

1. Prop die AC aansluiter of "adaptor" in die kragprop, en die prop van die kabel in die DC gat aan die agterkant van die herlaaier.
2. Plaas die radio of battery in die battery laaier. Maak seker die battery maak behoorlik kontak met die laaier - die laaier se liggie sal **ROOI** skyn.
3. Na ongeveer 3 ure sal die ROOI liggie na GROEN verander as die battery vol gelaai is. Die battery kan nou uit die laaier verwyder word, die battery is nou ten volle gelaai.



- As die battery vol gelaai is, moet dit nie weer laai nie, dit kan die battery se lewensduur beïnvloed.

INSTALLERING EN VERWYDERING VAN BATTERY

Druk die battery se lippies tussen die gleufies in en skuif die battery teen die radio vas. Om die battery uit te haal, druk die knippie aan die onderkant van die battery en skuif net die battery weer uit die gleufies.



INSTALLERING EN VERWYDERING VAN ANTENNA

Skroef die antenna op die konneksie aan die bokant van die radio. Hou die radio vas en draai die antenna kloksgewys totdat die antenna styf pas.

Verwyder die antenna van die radio deur die antenna antikloksgewys te draai tot die antenna los is.




ONTHOU:

Die antenna is nie 'n handvatsel nie, dit is nie 'n sleutelring nie, moet dit nie sien as 'n enigiets anders as deel van jou radio nie, moet die radio nie aan sy antenna rond dra nie, jy beskadig jou radio en antenna.

INSTALLERING EN VERWYDERING VAN BELTKNIP

Spasieer die beltknip in die ooreenstemmende groefies op die agterkant van die handradio, skroef dan kloksgewys vas.




INSTALLERING VAN DIE LUIDSPREKER EN MIKROFOON

Maak die MIC-SP klappie oop en druk die Luidspreker Mikrofoon konneksie in die toepaslike gaatjie.

LET OP dat die radio nie waterdig is wanneer hierdie applikasie gebruik word nie.



BEKENDSTELLING




- A. LED Indikasje - Die LED brand aanmekeer ROOI wanneer die radio uitsaai, en GROEN wanneer die radio sein ontvang.
- B. LED Liggie
- C. Aan/Af skakelaar en Volume kontrole. Draai kloksgewys om aan te skakel, en antikloksgewys om af te skakel. Draai in rondte om om volume stel.
- D. PTT Sleutel. Wanneer u wil praat. Druk hierdie sleutel en hou die sleutel in terwyl u in die mikrofoon praat. Los weer hierdie sleutel om 'n boodskap te ontvang.
- E. Kanaal verandering - Druk en hou (Squelch Af) om agtergrond geraas te hoor. Los sleutel om radio na normaal terug te keer.
- F. Kanaal verandering - Druk en hou sleutel om die liggie aan te skakel.
- G. Luidspreker/Mikrofoon.

WERKSVERRIGTING

AAN/AFSKAKEL VAN RADIO


Draai die Aan/Af skakelaar kloksgewys. U sal 'n beep geluid hoor en 'n stem wat aandui dat die radio aangeskakel is.




Verander die volume. Hou die monitering sleutel vas en luister na die klank terwyl die Krag skakelaar/Volume kontrole gedraai word. Draai kloksgewys om die volume te verhoog en anti-kloksgewys om die volume te verminder.



Kies 'n kanaal – druk die sy knoppies om jou kanaal te kies. Druk die onderste knoppie vir langer as 2 sekondes terwyl die radio aangeskakel word. U sal 'n beep toon hoor om te bevestig dat die **skandeer**.



UITSAAI - Om te praat druk die PTT sleutel en praat duidelik in die mikrofoon met 'n normale stem. Die LED liggie sal rooi skyn wanneer u praat. Om optimale klank te verseker vir die persoon wat die boodskap ontvang, hou die radio 2 tot 3 sentimeter van jou mond. Los die PTT sleutel sodra u klaar gepraat het.



EKSTRA FUNKSIES

“SQUELCH “ VLAK

Die doel van hierdie funksie is om die luidspreker te demp wanneer daar nie 'n sterk genoeg sein aanwesig is nie (“SQUELCH” af) en om irriterende geraas vlakke uit te skakel.

Wanneer die “SQUELCH” VLAK dus korrek gestel is (“SQUELCH” aan) sal u slegs klank hoor wanneer die radio sein sterk is en onnodige geraas sal dus uitgeskakel wees.

Die vlakke kan deur sagteware programmering gestel word.

TYD-UIT TELLER (TOT)

Die doel van hierdie funksie is om enige gebruiker te verhoed om te lank aanmekaar op die radio te praat, wat dan ook skakelik vir die radio kan wees. Die ingeboude TYD-UITTELLER (TOT) beperk die uitsaai van die radio en word die gebruiker van die radio deur middel van stem gewaarsku dat die radio in TOT funksie gaan.

SKANDEER (SCAN)

Die skandeer funksie word gebruik om tussen verskillende kanale te skandeer. Sodra die funksie opgestel is deur sagteware, Druk die onderste knoppie vir langer as 2 sekondes terwyl die radio aangeskakel word. U sal 'n beep toon hoor om te bevestig dat die skandeer. (kanale 1 tot 16).

- a) Die radio kan nie skandeer as daar nie ten minste 2 kanale opgestel is vir skandering nie.
- b) Indien die radio 'n sein (stem) optel by die kanaal wat ingestel is om geskandeer te word, stop die radio en luister na die sein (stem). Sodra die sein dan wegval, gaan die radio voort om te skandeer.
- c) Om die radio se skandering aan of af te skakel - druk die onderste knoppie weer en skakel die radio aan

VOX

Deur van VOX gebruik te maak, skakel jy die handeling van PTT sleutel druk elke keer wat jy wil praat, uit. Die radio saai outomaties elke keer uit wanneer jy in die mikrofoon praat.

Die VOX funksie kan slegs werk met 'n KOPSTUK (headset) toegerus met 'n mikrofoon.

Wanneer u van die VOX funksie gebruik maak, maak seker dat die volume van die funksie korrek opgestel word, wat die toestel sal help om klankvlakke te herken.

As die mikrofoon te sensitief is, sal die toestel begin uitsaai wanneer dit die geringste agtergrond geraas optel.

Indien dit nie sensitief genoeg gestel is nie, sal gedeeltes van u gesprek nie uitgesaai word nie.

Om hierdie funksie AAN/AF te skakel, gaan na kanaal 1 - 5, druk die MONI en PTT gelyktydig in, en skakel die toestel aan.

BATTERY KRAGBESPARINGS FUNKSIE

Met hierdie funksie sal die battery se krag bespaar word wanneer die radio aangeskakel is, maar nie sein ontvang of nie gebruik word nie. Hierdie funksie raak aktief 10 sekondes nadat die laaste radio aksie plaasgevind het. Sodra die radio dan weer aktief raak, skakel die kragbesparings funksie outomaties af.

BATTERY LAE KRAG ALARM

Die funksie herinner jou om jou battery te herlaai.

Wanneer die battery kapasiteit begin min raak, sal jy 'n alarm ontvang en die radio se LED liggie sal ROOI flikker. Herlaai of vervang die battery.

KANAAL BESIG - BLOKKERING (BCL)

Die funksie kan met sagteware programmering opgestel word.

Die BCL funksie verhoed die gebruiker om met ander gebruikers in te meng wat dieselfde kanaal gebruik. Terwyl gebruiker no. 1 die radio gebruik, en gebruiker no. 2 wil ook op dieselfde kanaal praat, sal die radio 'n alarm maak en gebruiker no. 2 sal nie kan praat as hy die PTT sleutel druk om te praat nie. Gebruiker no. 2 sal dan die PTT sleutel los en wag vir gebruiker no.1 om eers klaar te praat.

CTCSS/DCS

Word slegs deur handelaars via sagteware opgestel.

SPESIFIKASIES

Frekwensie	400 - 470 Mhz
RF krag uitset	$\leq 0.5 / 2W$
Kanaal kapasiteit	16 kanale
Bedryfsspanning	3.7V
Grootte	95mm X 50mm X 30mm
Gewig	122g

ALLE SPESIFIKASIES KAN VERANDER SONDER KENNISGEWING

PROBLEEMOPLOSSINGSGIDS

Geen krag	<ul style="list-style-type: none">a) Maak seker die battery is korrek gekoppelb) Batteryepak mag uitgeput wees, herlaai of vervang.c) Maak seker battery kontakte is korrekd) Stuur na u handelaar vir herstelwerk.
Kan die radio nie aanskakel nie, of radio sny onverwags uit	<ul style="list-style-type: none">a) Maak seker die battery is korrek gekoppel.b) Maak seker die battery kontakte is reg, as die kontakte gebuig of stukkend is, neem na u handelaar vir herstelling.
Kan nie met die gebruikers in my groep kommunikeer nie	<ul style="list-style-type: none">1) Verskillende frekwensie of kanaal, verander kanaal.2) Verskillende CTCSS/DCS herprogrammeer3) Buite die radio se reikafstand
Ander groepe kom deur op jou radio	<ul style="list-style-type: none">a) Verander die CTCSS op jou radio sowel as al die gebruikers in jou groep se CTCSS of al die gebruikers moet oorskakel na 'n ander kanaal.
Die ander party ontvang gebroke of onduidelike boodskappe van my	<ul style="list-style-type: none">a) Maak seker jou mikrofoon is in goeie werkende toestand. Indien wel, neem handstel na jou handelaar vir herstel.

WAARBORG:

MODEL: DV-4476 RTS PADVARK

SER. NO: _____

HANDELAAR: _____

KLIENT NAAM: _____

ADRES: _____

DATUM GEKOOP: _____

TEL. NO: _____

FAX. NO: _____

HIERDIE WAARBORG IS ONDERHEWIG AAN:

- 1) 12 MAANDE WAARBORG OP DIE RADIO. BYBEHORE SOOS LAAIER, BATTERY, ANTENNA WORD NIE GEDEK NIE.
- 2) FOUTIEWE RADIOS WORD DEUR KLIENT NA DIE RTS HANDELAAR GESTUUR WAAR DIE RADIO AANGEKOOP IS.
- 3) HOU ASSEBLIEF U FAKTUUR VIR U WAARBORG.